



UPRAVA DRUŠTVA	Strana: 1 od 2
Broj protokola: 05-1-25-1-7160-16/21	JAVNO

Datum: 18.01.2022. god.

Na osnovu člana 70. Zakona o javnim nabavkama („Službeni glasnik BiH“, broj 39/14), a u vezi sa članom 21. stav (1) tačka 2) Pravilnika o nabavci roba, usluga i radova u J.P. Međunarodni aerodrom "SARAJEVO" d.o.o. Sarajevo i člana 45. Statuta J.P. Međunarodni aerodrom "SARAJEVO" d.o.o. Sarajevo, te izvještaja i preporuke Komisije za provođenje postupka javne nabavke robe: Isporuka originalnih rezervnih dijelova i usluge servisa motornih rolo vrata proizvođača HOERMANN, za period od četiri godine, broj: 05-3-25-1-7160-14/21, Uprava J.P. Međunarodni aerodrom "SARAJEVO" d.o.o. Sarajevo na 49. sjednici održanoj dana 18.01.2022. god., donosi

ODLUKU

I

Prihvata se ponuda ponuđača **FESTA d.o.o. Kraševo - Tešanj** za nabavku robe: Isporuka originalnih rezervnih dijelova i usluge servisa motornih rolo vrata proizvođača HOERMANN, za period od četiri godine, zavedena na protokol Naručioca pod brojem: 06-1-25-1-7160-6/21 od 31.12.2021. god., u vrijednosti koja ne može preći iznos od **24.000,00 KM (slovima: dvadesetčetirihiljade KM), bez PDV-a.**

II

Po proteku rokova za reviziju Naručilac će pozvati izabranog ponuđača radi zaključivanja ugovora o nabavci robe iz tačke I ove Odluke, kojim će se regulisati međusobna prava i obaveze ugovornih strana.

Obrazloženje

Postupajući u skladu sa čl. 17. i 18. Zakona o javnim nabavkama, a u cilju izbora najpovoljnije ponude za nabavku robe: Isporuka originalnih rezervnih dijelova i usluge servisa motornih rolo vrata proizvođača HOERMANN, za period od četiri godine, direktor J.P. Međunarodni aerodrom "SARAJEVO" d.o.o. Sarajevo donio je Odluku o pokretanju postupka nabavke broj: 02-1-04-7-7160-3/21 od 09.12.2021. god., a Rješenjem o imenovanju Komisije, broj: 02-1-04-7-7160-5/21 od 23.12.2021. god., imenovao Komisiju za provođenje postupka nabavke.

Naručilac je, postupajući u skladu sa naprijed navedenom Odlukom, uputio poziv za dostavu kvalifikacionih dokumenata i komercijalne ponude potrebnih za provođenje procedure Pregovaračkog postupka bez objavljivanja obavještenja o nabavci, odnosno poziv na pregovore, na adresu ponuđača FESTA d.o.o. Kraševo - Tešanj, s obzirom da zbog suštinskih, dokazivih tehničkih ili umjetničkih razloga, odnosno razloga koji se odnose na zaštitu ekskluzivnih prava ugovor može dodijeliti samo navedenom ponuđaču.

Do ostavljenog roka za predaju kvalifikacionih dokumenata i komercijalne ponude, 05.01.2022. god., pozvani ponuđač je dostavio svoju inicijalnu ponudu, koja je zavedena na protokol Naručioca pod brojem: 06-1-25-1-7160-6/21 od 31.12.2021. god.

Na javnom otvaranju ponude, koje je održano isti dan u 12:30 sati, bez prisustva predstavnika ponuđača, pročitan je naziv ponuđača i ponuđene cijene za naprijed navedenu robu i uslugu.

Komisija je istog dana, izvršila analizu dostavljene ponude, izvršila uvid u spisak kvalifikacionih dokumenata i konstatovala da inicijalna ponuda zadovoljava tehničke i formalno – pravne uslove iz zahtjeva za dostavu ponuda.

Uvidom u dostavljenu ponudu, Komisija je konstatovala da je ponuđač dostavio sljedeće cijene:

- usluga redovnog servisa bez zamjene rezervnih dijelova: 2.750,00 KM, bez PDV-a po servisu,
- usluga izlaska na teren: 130,00 KM, bez PDV-a po izlasku,
- radni sat servisera: 45,00 KM, bez PDV-a po satu.

Ponuđač se izjasnio da će nespecificirani rezervni dijelovi biti obračunati po važećem cjenovniku na dan isporuke, kao i da ukupna vrijednost nabavke ne može preći iznos od 24.000,00 Km, bez PDV-a.

Komisija je konstatovala da je dostavljena ponuda ujedno i konačna ponuda, te da ista zadovoljava sve tehničke i formalno pravne uslove iz zahtjeva za dostavu ponude, pa je ovu ponudu ocijenila prihvatljivom za Naručioca.

Vrsta dok.	Izdavač:
ODL	5-01
Strana: 2 od 2	
JAVNO	

S obzirom na naprijed navedeno, Komisija je konstatovala da je Pregovarački postupak sa ovlaštenim ponuđačem proveden u skladu sa ZJN, te je imajući u vidu naprijed navedeno, predložila Upravi Društva zaključenje ugovora za predmetnu nabavku, i to na iznos do procijenjene vrijednosti nabavke tj. do 24.000,00 KM.

Kako je ponuđač dostavio Naručiocu dokumenta iz člana 45. Zakona o javnim nabavkama, u skladu sa dostavljenom Izjavom, ista nije potrebno naknadno dostavljati.

Uprava J.P. Međunarodni aerodrom "SARAJEVO" d.o.o. Sarajevo je razmotrila preporuku Komisije, te je, nakon uvida u vođeni Pregovarački postupak na 49. sjednici održanoj dana 18.01.2022. god., istu prihvatila. S obzirom na naprijed navedeno, Uprava J.P. Međunarodni aerodrom "SARAJEVO" d.o.o. Sarajevo je, na osnovu člana 70. Zakona o javnim nabavkama, a u vezi sa članom 21. stav (1) tačka 2) Pravilnika o nabavci roba, usluga i radova u J.P. Međunarodni aerodrom "SARAJEVO" d.o.o. Sarajevo, donijela Odluku kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa, J.P. Međunarodni aerodrom "SARAJEVO" d.o.o. Sarajevo, u pisanoj formi, direktno, elektronskim putem ili preporučeno poštanskom pošiljkom, u 3 (tri) primjerka, i to u roku od 10 (deset) dana od dana prijema Odluke.

DIREKTOR
Alan Bajić



Prilog: Zapisnik o pregledu i ocjeni ponude.

DOSTAVLJENO:

1. Ponuđaču (co.)
2. Upravi Društva
3. Sektoru razvoja, tehnike i standardizacije
4. Sektoru za administrativnu podršku
5. a/a